

U skladu sa čl. 59. Statuta Stranke pravde pomirenja, na zasjedanju Glavnog odbora Stranke održanog 26. decembra 2022. godine u Novom Pazaru usvaja se novi

## **PRAVILNIK O RADU MLADIH SPP**

### **I dio**

#### **UVODNE ODREDBE**

##### **Član 1.**

#### **Predmet Pravilnika**

Ovim Pravilnikom Mladi Stranke pravde i pomirenja (u daljem tekstu: Pravilnik) uređuju i utvrđuju: svoj naziv, znak, sjedište, načela djelovanja, prava i obaveze članova, oblike organiziranja, organe upravljanja, načine njihovog imenovanja, izbora i smjenjivanja, trajanje mandata, djelovanje kao i druga pitanja od značaja za rad.

##### **Član 2.**

#### **Pravni status**

Organizaciju Mladi Stranke pravde i pomirenja predviđa Statut Stranke pravde i pomirenja članom 45.

Mladi Stranke pravde i pomirenja su autonomni u svom radu i odgovaraju Predsjedništvu Stranke pravde i pomirenja, koje može raspustiti organe Mladih Stranke pravde i pomirenja, promijeniti i preinačiti odluke organa Mladih Stranke pravde i pomirenja.

##### **Član 3.**

#### **Naziv, zastupanje i sjedište**

Naziv organizacije je Mladi Stranke pravde i pomirenja (u daljem tekstu Mladi SPP i Mladi) na bosanskom jeziku i latiničnim pismom, a skraćeni naziv je Mladi SPP.

Sjedište Mladih SPP je u Novom Pazaru, ul. Rifata Burdžovića br. 1.

##### **Član 4.**

#### **Pečat i obilježja**

Mladi SPP imaju pečat okruglog oblika, na kome je po obodu ispisan tekst naziva organizacije Mladi Stranke pravde i pomirenja, u središtu amblem Mladih, a na dnu pečata je upisano sjedište organizacije „Novi Pazar“.

Amblem organizacije je znak sa latiničnim tekstom, početna slova organizacije „MSPP“ latiničnim pismom.

Član 5.

### **Javnost rada**

Rad Mladih SPP je javan i on se ostvaruje kroz javne skupove, tribine, medijske prezentacije i na druge načine, uspostavljaajući odnos sa članovima i potencijalnim članovima Stranke.

## **II dio**

### **ČLANSTVO**

Član 6.

#### **Član Mladih SPP**

Član Mladih SPP može biti svaki član koji dobrovoljno potpiše pristupnicu Stranke ili popuni online aplikaciju za pristupanje Stranci i prihvata Program i Statut Stranke, a mlađi je od 29 godina.

Član 7.

#### **Prava i obaveze članova Mladih SPP**

Član Mladih SPP ima prava i obaveze istovjetne pravima i obavezama članova Stranke pravde i pomirenja, propisane Statutom.

Član 8.

#### **Odgovornost članova**

Član koji nanese štetu ugledu i interesima Stranke disciplinski odgovara pred Statutarnim sudom u skladu sa 'Pravilnikom o disciplinskoj odgovornosti'.

Član 9.

#### **Prava manjine**

Članovi Mladih SPP, koji se ne slažu sa odlukom većine u Mladima SPP, imaju pravo da svoje mišljenje i dalje zastupaju i brane u okviru organa Stranke. Izvan stranačkih okvira, članovi Mladih SPP slijede odluke Mladih SPP.

Ukoliko član Mladih SPP bude ugrožen, on ima pravo na zaštitu od viših organa stranke ili pismenim zahtjevom od Nadzornog odbora i Statutarnog suda Stranke.

Ukoliko članu bude nanijeta šteta od nekog organa Stranke, on ima pravo tražiti nadoknadu pismenim zahtjevom od Statutarnog suda Stranke.

### **III dio**

## **ORGANIZACIJA**

### **Član 10.**

#### **Osnovi organizacije**

Mladi SPP se organiziraju u svim mjestima u Srbiji, Balkana i dijaspore.

Mladi SPP su organizirani po teritorijalnom principu i po principu sekcija.

Članovi Mladih SPP se mogu organizirati kroz sve organe Stranke u skladu sa Pravilnikom.

### **Član 11.**

#### **Organi**

Centralni organi i tijela Mladih SPP su:

1. Kongres Mladih;
2. Glavni odbor Mladih;
3. Predsjednik Mladih;
4. Predsjedništvo Mladih;
5. Sekretarijat Mladih;
6. Izvršni odbor Mladih.

Mladi SPP su odgovorni pred Nadzornim odborom i Statutarnim sudom Stranke.

### **Član 12.**

#### **Kongres Mladih**

Kongres Mladih je najviši organ odlučivanja u Mladima SPP.

Kongres Mladih može biti redovan i vanredan.

Redovan Kongres Mladih se održava najmanje svake 2 godine.

Redovan izborni Kongres Mladih se održava svake 4 godine.

Redovan Kongres Mladih se saziva na prijedlog Predsjednika Mladih ili zamjenika Predsjednika Mladih SPP.

Vanredni Kongres Mladih se saziva na prijedlog Predsjednika Mladih ili zamjenika Predsjednika Mladih SPP, na zahtjev 1/3 Glavnog odbora Mladih ili 1/3 članova Predsjedništva Mladih, u roku od 15 dana od dana zahtjeva, ukoliko Predsjednik Mladih, na zahtjev, ne sazove vanrednu sjednicu.

Vanredni izborni Kongres Mladih se zakazuje u skladu sa ovim Pravilnikom.

Svečani Kongres Mladih se održava na zahtjev Predsjednika Mladih, 1/3 Predsjedništva Mladih ili na zahtjev 1/3 Glavnog odbora Mladih.

Mandat delegata Kongresa Mladih traje 4 godine.

### **Član 13.**

## **Sazivanje Kongresa Mladih**

Kongres Mladih saziva Predsjednik Mladih. Ako Predsjednik Mladih ne zakaže zasjedanje Kongresa Mladih u roku, mora ga zakazati zamjenik Predsjednika Mladih SPP, 1/3 članova Predsjedništva Mladih, 1/3 članova Glavnog odbora Mladih ili 1/3 Kongresa Mladih. Ako se ni tada ne zakaže sjednica, predsjednik Nadzornog odbora zakazuje Glavni odbor Mladih sa jedinom tačkom dnevnog reda: Raspisivanje izbora u Mladima SPP. Ukoliko ne bude kvoruma za rad, Nadzorni odbor preuzima nadležnost raspisivanja izbora u Mladima SPP u skladu sa Pravilnikom o izborima u Stranci.

Sazivač Kongresa Mladih imenuje Organizacioni odbor za održavanje Kongresa Mladih koji imenuje i predsjedavajuće tijelo koji će voditi Kongres Mladih i prijedlog dnevnog reda, a izborni Kongres Mladih se mora zakazati najmanje 30 dana prije održavanja, odnosno radni Kongres Mladih 15 dana prije održavanja.

Svečani Kongres Mladih je po pravilu vanredni Kongres Mladih i on se saziva odvojeno od izborne ili radne sjednice, odnosno može se održati u istom danu nakon održavanja izbornog ili radnog Kongresa Mladih.

### Član 14.

## **Nadležnosti Kongresa Mladih**

Kongres Mladih:

1. verificira svoje članove;
2. usvaja Poslovnik o radu Kongresa Mladih;
3. usvaja godišnji Program Mladih SPP;
4. usvaja deklaracije Mladih SPP;
5. razmatra i usvaja izvještaj o radu Predsjednika Mladih;
6. bira i razrješava stalni sastav Glavnog odbora Mladih, u skladu sa ovim Pravilnikom;
7. bira i razrješava Predsjednika Mladih;
8. bira i razrješava zamjenika Predsjednika Mladih SPP;
9. bira i razrješava potpredsjednike Mladih SPP;
10. bira i razrješava generalnog sekretara Mladih SPP;
11. bira i razrješava predsjednika Izvršnog odbora Mladih;
12. imenuje počasnog predsjednika Mladih SPP;
13. potvrđuje, preinačuje ili donosi odluke u ime nižih organa, ukoliko je potrebno;
14. daje prijedlog izmjene i dopune Pravilnika Mladih Glavnom odboru Stranke.

### Član 15.

## **Sastav Kongresa Mladih**

Kongres Mladih čine i imaju pravo glasa:

1. članovi Glavnog odbora Mladih;
2. članovi sekcija Izvršnog odbora Mladih;
3. mladi odbornici i funkcioneri Stranke;
4. članovi opštinskih/gradskih odbora ili povjereništava Mladih SPP;
5. članovi sekcija Mladih SPP;
6. izabrani predsjednici i potpredsjednici mjesnih odbora Mladih SPP.

## Član 16.

### **Rad Kongresa Mladih**

Kongres Mladih može punovažno odlučivati ako je prisutna natpolovična većina od ukupnog broja članova Kongresa Mladih.

Kongres Mladih usvaja odluke natpolovičnom većinom glasova, osim ako je Poslovníkom drugačije utvrđeno.

U slučaju istog broja glasova, glas predsjedavajućeg Kongresa Mladih je presudan.

## Član 17.

### **Glavni odbor Mladih**

Glavni odbor Mladih je najviši organ odlučivanja između dva Kongresa Mladih.

Glavni odbor Mladih se sastaje najmanje jedanput godišnje.

Mandat članova Glavnog odbora Mladih traje 4 godine.

## Član 18.

### **Sazivanje Glavnog odbora**

Predsjednik Mladih saziva sjednicu Glavnog odbora Mladih. Ako Predsjednik Mladih ne zakaže sjednicu u roku, mora je zakazati zamjenik Predsjednika Mladih SPP ili 1/3 članova Predsjedništva Mladih ili Glavnog odbora Mladih. Ukoliko se ni tada ne zakaže sjednica, predsjednik Nadzornog odbora zakazuje Glavni odbor Mladih sa jedinom tačkom dnevnog reda: Raspisivanje izbora u Mladima SPP. Ukoliko ne bude kvoruma za rad, Nadzorni odbor preuzima nadležnost raspisivanja izbora u Mladima SPP.

Sazivač Glavnog odbora Mladih imenuje tročlano predsjedavajuće tijelo koji će voditi Glavni odbor Mladih, a Glavni odbor Mladih se mora zakazati najkasnije 3 dana prije održavanja.

## Član 19.

### **Nadležnosti Glavnog odbora Mladih**

Glavni odbor Mladih:

1. verificira svoje članove;
2. usvaja Poslovník o radu Glavnog odbora Mladih;
3. sprovodi odluke Kongresa Mladih;
4. predlaže izborni program Mladih SPP;
5. odlučuje o izboru potpredsjednika Izvršnog odbora Mladih i šefova sekcija Mladih SPP;
6. odlučuje o imenovanju povjereništava Mladih SPP;
7. razmatra i usvaja izvještaj Predsjednika Mladih o svom radu i radu Predsjedništva Mladih, na zahtjev članova Glavnog odbora;
8. može pokrenuti postupak za izglasavanje nepovjerenja Predsjedniku Mladih i ostalim članovima Predsjedništva Mladih;
9. kooptira najviše do 8 novih članova stalnog sastava Glavnog odbora Mladih, na prijedlog članova Glavnog odbora;
10. donosi odluku o saradnji sa omladinskim organizacijama u zemlji i inostranstvu;
11. u hitnim situacijama donosi odluke iz nadležnosti Kongresa Mladih, o kojima se na prvoj narednoj sjednici izjašnjava Kongres Mladih;

12. potvrđuje, preinačuje ili donosi odluke u ime nižih organa Mladih SPP, ukoliko je potrebno;
13. usvaja sve pravilnike Mladih SPP;
14. obavlja i druge poslove u skladu sa ovim Pravilnikom i svojim Poslovníkom.

#### Član 20.

#### **Sastav Glavnog odbora Mladih**

Glavni odbor Mladih čine:

1. članovi Predsjedništva Mladih;
2. članovi gradskih/opštinskih odbora i povjereništava Mladih SPP;
3. članovi Izvršnog odbora Mladih;
4. mladi nosioci rukovodećih funkcija u gradskim/opštinskim i državnim vlastima;
5. članovi stalnog sastava Glavnog odbora Mladih, koje je imenovao Kongres Mladih.

#### Član 21.

#### **Stalni sastav Glavnog odbora Mladih**

Za članove stalnog sastava Glavnog odbora Mladih se mogu kandidovati svi delegati Kongresa Mladih.

Članovi stalnog sastava Glavnog odbora Mladih se biraju tajnim glasanjem u skladu Pravilnikom o izborima u Stranci.

Stalni sastav Glavnog odbora Mladih broji 40 članova.

#### Član 22.

#### **Rad Glavnog odbora Mladih**

Glavni odbor Mladih može punopravno odlučivati ako sjednici prisustvuje natpolovična većina članova Glavnog odbora.

Glavni odbor Mladih usvaja odluku ako se za nju izjasni natpolovična većina prisutnih članova, osim ako nije Poslovníkom drugačije određeno.

U slučaju istog broja glasova, glas predsjedavajućeg Glavnim odborom Mladih je presudan.

Glavni odbor Mladih u osnovi glasa javno, ali može većinom glasova odlučiti da glasa i tajno.

Ukoliko član Glavnog odbora ne dođe na sjednicu, neopravdano, uzastopno 2 puta, Glavni odbor Mladih predlaže Statutarnom sudu isključenje člana iz Glavnog odbora.

Rad Glavnog odbora se bliže uređuje Poslovníkom o radu Glavnog odbora.

## Član 23.

### **Predsjedništvo Mladih**

Predsjedništvo Mladih je najviši organ odlučivanja između dva Glavna odbora Mladih. Predsjedništvo Mladih se sastaje najmanje jedanput u 3 mjeseca.

## Član 24.

### **Sazivanje i rad Predsjedništva Mladih**

Predsjednik Mladih zakazuje sjednicu Predsjedništva Mladih. Ako Predsjednik Mladih ne zakaže sjednicu u roku, zakazuje je zamjenik Predsjednika Mladih SPP ili trećina članova Predsjedništva Mladih. Ako se ni tada ne zakaže sjednica, predsjednik Nadzornog odbora zakazuje Glavni odbor Mladih sa jedinom tačkom dnevnog reda: Raspisivanje izbora u Mladima SPP.

Ukoliko ne bude kvoruma za rad, Nadzorni odbor preuzima nadležnost raspisivanja izbora u Mladima SPP.

Predsjedništvo Mladih se može održati ako sjednici prisustvuje natpolovična većina članova Predsjedništva Mladih, a odluke su punovažne ako se za njih izjasni natpolovična većina prisutnih članova stalnog sastava.

Ukoliko broj glasova bude izjednačen, glas predsjedavajućeg Predsjedništva Mladih je presudan.

## Član 25.

### **Nadležnosti Predsjedništva Mladih**

Predsjedništvo Mladih:

1. verificira članove Predsjedništva Mladih;
2. usvaja Poslovnik o radu Predsjedništva Mladih;
3. vrši kontrolu rada Predsjednika Mladih, predsjednika Izvršnog odbora Mladih, potpredsjednika Mladih SPP, predsjednika gradskih/opštinskih odbora Mladih SPP,
4. predlaže kandidate za funkcije koje bira Glavni odbor Mladih;
5. potvrđuje izbor predsjednika opštinskih/gradskih odbora Mladih SPP;
6. utvrđuje zaduženja potpredsjednika Mladih SPP;
7. odlučuje o osnivanju i raspuštanju mjesnog ili gradskog/opštinskog odbora i imenuje povjereništvo Mladih SPP;
8. odlučuje o pitanjima organiziranja gradskih/opštinskih odbora, sekcija Mladih SPP i prati njihov rad;
9. bira i razrješava pomoćnike generalnog sekretara Mladih SPP, na prijedlog generalnog sekretara Mladih SPP;
10. predlaže Glavnom odboru smjenu nekog od svojih članova u skladu sa Pravilnikom;
11. imenuje portparola Mladih SPP;
12. analizira političku situaciju među mladima i donosi političke stavove, zaključke i odluke uz odobrenje predsjednika Stranke;
13. ukoliko se krše odluke Predsjedništva Mladih, podnosi Statutarnom sudu prijedlog sankcije;
14. predlaže Glavnom odboru Mladih izborni program;
15. usvaja godišnji finansijski izvještaj Predsjednika Mladih o poslovanju Mladih SPP i budžet za predstojeću godinu;
16. obrazuje stalne ili povremene komisije i radna tijela sa određenim zadacima;

17. formira komisije za donošenje nacrt/izmjena i dopuna Pravilnika;
18. predlaže Kongresu Mladih izmjene i dopune Pravilnika ili nacrt novog Pravilnika;
19. u hitnim situacijama donosi odluke iz nadležnosti Glavnog odbora Mladih, o kojima se na prvoj narednoj sjednici izjašnjava Glavni odbor Mladih;
20. potvrđuje, preinačuje ili donosi odluke u ime Predsjednika Mladih, Izvršnog odbora Mladih, gradskih i opštinskih odbora Mladih SPP i
21. obavlja i druge poslove u skladu sa svojim Poslovníkom i ovim Pravilnikom.

#### Član 26.

#### **Sastav Predsjedništva Mladih**

Predsjedništvo Mladih čine:

1. Predsjednik Mladih;
2. zamjenik Predsjednika Mladih SPP;
3. potpredsjednici Mladih SPP;
4. generalni sekretar Mladih SPP;
5. predsjednik Izvršnog odbora Mladih;
6. predsjednici GO/OO Mladih SPP;
7. portparol Mladih SPP;
8. mladi funcioneri u vlasti;
9. kooptirani članovi Predsjedništva Mladih i
10. koordinatori/povjerenici organa koji odgovaraju Predsjedništvu Mladih.

Za nove članove Predsjedništvo Mladih može kooptirati od 4 do 7 članova, većinom glasova. Ukoliko predstavnik jedne organizacione jedinice ne može prisustvovati sastanku, šalje svog zamjenika koji učestvuje punopravno na sjednici Predsjedništva Mladih. Sjednicama mogu prisustvovati i druga lica po pozivu predsjednika, bez prava glasa.

#### Član 27.

#### **Predsjednik Mladih**

Predsjednik Mladih predstavlja, zastupa i rukovodi Mladima SPP.

Mandat Predsjednika Mladih traje 4 godine.

Predsjednik Mladih u izuzetnim slučajevima može biti izabran i na period od 6 mjeseci.

Izbor i razrješenje Predsjednika Mladih se definira Poslovníkom o radu Kongresa Mladih i Pravilnikom o izborima.

#### Član 28.

#### **Nadležnosti Predsjednika Mladih**

Predsjednik Mladih:

1. vodi, predstavlja i zastupa Mlade SPP u skladu sa Statutom i Programom Stranke, Pravilnikom i Programom Mladih SPP;



2. sprovodi politiku Stranke i Mladih SPP u skladu sa Programom Stranke i Programom Mladih SPP;
3. stara se o izvršavanju odluka Predsjedništva Stranke, Kongresa Mladih, Glavnog odbora Mladih i Predsjedništva Mladih, sve u skladu sa Statutom Stranke i Pravilnikom Mladih SPP;
4. saziva sjednice Predsjedništva Mladih, Glavnog odbora Mladih i Kongresa Mladih;
5. delegira iz svoje nadležnosti određene poslove potpredsjednicima Mladih SPP i nadzire njihov rad;
6. predlaže kandidate za počasnog predsjednika Mladih SPP, potpredsjednike Mladih SPP, generalnog sekretara Mladih SPP;
7. podnosi izvještaj o svom radu i radu Predsjedništva i finansijski izvještaj u skladu sa Pravilnikom;
8. obavlja i druge poslove u skladu sa Poslovníkom Predsjedništva i ovim Pravilnikom;
9. donosi odluku o održavanju svečanog Kongresa Mladih;
10. u hitnim situacijama donosi odluke iz nadležnosti Predsjedništva Mladih o kojima se na prvoj narednoj sjednici izjašnjava Predsjedništvo Mladih;
11. nalaže i izvršava finansijske poslove u skladu sa Pravilnikom i usvojenim budžetom, podnoseći finansijski presjek Predsjedništvu na šest mjeseci;
12. Raspolaze pečatom Mladih SPP.

#### Član 29.

#### **Predsjednički kolegij Mladih SPP**

Predsjednički kolegij Mladih SPP se sastaje za potrebe donošenja odluka između dvije sjednice Predsjedništva Mladih, iz nadležnosti Predsjedništva Mladih, koje se verificiraju na prvoj narednoj sjednici Predsjedništva Mladih. Odluke iz nadležnosti Predsjedništva Mladih se donose glasanjem.

Stalni sastav Predsjedničkog kolegija Mladih čine:

1. Predsjednik Mladih;
2. zamjenik Predsjednika Mladih SPP;
3. potpredsjednici Mladih SPP;
4. generalni sekretar Mladih SPP;
5. predsjednik Izvršnog odbora Mladih.

Predsjednički kolegij Mladih SPP može kooptirati i druge članove Predsjedništva Mladih u stalni sastav Predsjedničkog kolegija Mladih SPP.

Za odluke iz nadležnosti Predsjednika Mladih, Predsjednik Mladih se savjetuje sa Kolegijom Mladih SPP i po pravilu ne glasa, osim ako Predsjednik Mladih ne zatraži glasanje.

Predsjedničkom kolegiju Mladih SPP mogu prisustvovati i drugi članovi Predsjedništva Mladih po pozivu Predsjednika Mladih sa pravom glasa, kao i drugi funkcioneri i članovi Stranke bez prava glasa.

Predsjednički kolegij Mladih SPP se saziva, po potrebi, na poziv predsjednika Mladih.

## Član 30.

### **Pravo sazivanja**

Predsjednik ili zamjenik Predsjednika Mladih SPP, uz suglasnost Predsjednika Mladih, ima pravo sazvati sjednice svih organa Mladih SPP, bez prava glasa u donošenju odluka u organima u kojima nije član.

## Član 31.

### **Izbor i prestanak mandata Predsjednika Mladih**

Predsjednik Mladih za svoj rad odgovara Predsjedništvu Stranke, Predsjedništvu Mladih, Glavnom odboru Mladih i Kongresu Mladih.

1/3 Glavnog odbora Mladih ili 1/3 članova Kongresa Mladih mogu pokrenuti pitanje nepovjerenja predsjedniku Mladih, za šta će se izjasniti većinom glasova Glavni odbor Mladih ili Kongres Mladih. Predsjednika Mladih bira Kongres Mladih, isključivo glasanjem. Ukoliko bude samo jedan kandidat, glasanje može biti javno.

Za Predsjednika Mladih se može kandidovati svaki član Kongresa Mladih koji dobije podršku minimum 2 gradska/opštinska odbora Mladih, ili 1/3 Glavnog odbora Mladih.

## Član 32.

### **Zamjenik Predsjednika Mladih SPP**

Organizacija Mladi SPP ima zamjenika Predsjednika Mladih SPP. Kongres Mladih bira zamjenika predsjednika Mladih SPP, na prijedlog Predsjednika Mladih, na period od 4 godine.

Zamjenik Predsjednika Mladih SPP mijenja Predsjednika Mladih u njegovom odsustvu, predsjedava organima u odsustvu Predsjednika Mladih i ostvaruje Program Stranke i izvršava odluke Predsjedništva Mladih, Glavnog odbora Mladih i Kongresa Mladih.

Zamjenik Predsjednika Mladih SPP za svoj rad odgovara Predsjedniku Mladih, Predsjedništvu Mladih, Glavnom odboru Mladih i Kongresu Mladih.

## Član 33.

### **Potpredsjednici Mladih SPP**

Mladi SPP mogu imati do 4 potpredsjednika, od kojih je obavezno jedna žena. Kongres Mladih bira potpredsjednike na prijedlog Predsjednika Mladih, na period od 4 godine.

Potpredsjednici Mladih SPP su zaduženi za ostvarivanje određenih dijelova Programa Mladih SPP koje im delegira Predsjednik Mladih i pomažu Predsjedniku Mladih u njegovom radu.

Predsjedništvo Mladih delegira nadzor, koordinaciju, osnivanje ili raspuštanje organizacionih jedinica, kao i opštinskih i gradskih odbora i povjereništava potpredsjednicima Mladih SPP.

Potpredsjednici Mladih SPP za svoj rad odgovaraju Predsjedniku Mladih, Predsjedništvu Mladih, Glavnom odboru Mladih i Kongresu Mladih.

## Član 34.

### **Sekretarijat Mladih**

Sekretarijat Mladih je organ koji se stara o tehničkom sprovođenju odluka svih organa Mladih SPP.  
Sekretarijat Mladih čine:

1. generalni sekretar Mladih SPP;
2. pomoćnici generalnog sekretara Mladih SPP;
3. sekretari GO/OO odbora Mladih SPP;
4. sekretar Izvršnog odbora Mladih;
5. portparol Mladih SPP;
6. blagajnik;
7. kooptirani članovi Sekretarijata zaduženi za posebne tehničke oblasti.

Za realizaciju tehničkih poslova Mladih SPP, generalnom sekretaru Mladih SPP mogu odgovarati i:

1. predstavnik kojeg imenuje sekcija za logistiku Mladih SPP;
2. predstavnik kojeg imenuje sekcija za medije i marketing Mladih SPP;
3. predstavnik kojeg imenuje sekcija za pravo Mladih SPP;
4. predstavnik kojeg imenuje sekcija za finansijes i ekonomiju Mladih SPP.

Generalnog sekretara Mladih SPP predlaže Predsjednik Mladih, a bira Kongres Mladih na period od 4 godine.

Sjednica Sekretarijata Mladih se održava prema potrebi na inicijativu generalnog sekretara Mladih SPP ili 1/3 članova Sekretarijata Mladih.

U slučaju odsustva generalnog sekretara Mladih SPP, sjednicu će zakazati pomoćnik generalnog sekretara Mladih SPP, koga ovlasti generalni sekretar Mladih SPP.

## Član 35.

Generalni sekretar Mladih SPP:

1. podnosi izvještaj Predsjedništvu Mladih na redovnoj sjednici o brojčanom stanju članstva Mladih SPP;
2. predlaže Predsjedništvu Mladih izbor i razrješenje pomoćnika generalnog sekretara Mladih SPP;
3. priprema materijal za održavanje sjednica na kojima vodi zapisnik;
4. vodi zapisnik na Kongresu Mladih, Glavnom odboru Mladih, Predsjedništvu Mladih, sa pravom glasa;
5. na osnovu Pravilnika, sastavlja Predsjedniku Mladih prijedlog dnevnog reda za predstojeće sjednice;
6. vodi bilješke o održavanju sjednica organa Mladih SPP, uz pomoć ostalih članova Sekretarijata Mladih i podsjeća predsjednike i šefove organa pred isticanje propisanog roka za održavanje sjednica;
7. obavještava Predsjednika Mladih i predsjednika Nadzornog odbora Stranke u slučaju da se neki organ nije sastao u propisnom roku;
8. koordinira izradu finansijskih planova Mladih SPP;
9. upravlja blagajničkim poslovima uz nadzor i suglasnost Predsjednika Mladih;

10. stara se o korištenju pečata uz suglasnost Predsjednika Mladih;
11. nadzire budžete organizacionih jedinica Mladih SPP;
12. stara se o pravnim aktima Mladih SPP u saradnji sa pravnom sekcijom;
13. stara se o sistemu informiranja u saradnji sa medijskom sekcijom i, uz podršku sekcije za informacione tehnologije Mladih SPP, koordinira svim profilima, grupama i stranicama na socijalnim mrežama i drugim aplikacijama Mladih SPP, u skladu sa instrukcijama generalnog sekretara Stranke;
14. stara se o bazi podataka članova Mladih SPP i o poslovima učlanjivanja u Mlade SPP;
15. vodi brigu i stara se o zavodjenju pošte i svih pristiglih pisama upućenih Mladima SPP i njenim organima, prosljeđuje ih organima kojima su upućena pisma i šalje odgovore organa nazad;
16. održava odnose sa svim subjektima od važnosti za ispravno poslovanje Mladih SPP;
17. za svoj rad odgovara Predsjedniku Mladih, Predsjedništvu Mladih, Glavnom odboru Mladih i Kongresu Mladih.

Članovi Sekretarijata Mladih su u obavezi pomagati generalnom sekretaru Mladih SPP u svojim nadležnostima.

Sekretari gradskih odbora Mladih SPP i sekretar IO Mladih prosljeđuju u arhiv Stranke zapisnike zaključaka sa sjednica koje vode na način kako Sekretarijat Mladih propiše. Po odobrenju Predsjedništva Mladih, Sekretarijat Mladih propisuje sadržaj zapisnika za sve organe Mladih SPP i može organizirati snimanje i arhiviranje stenograma sa sastanaka organa Mladih SPP.

Predsjednik Mladih, Predsjedništvo Mladih i predsjednik Nadzornog odbora Stranke nadgledaju ispravnost rada generalnog sekretara Mladih SPP. Ukoliko ustanove da generalni sekretar Mladih SPP ne obavlja ispravno dužnosti u skladu sa Pravilnikom i Statutom Stranke, predlažu njegovu smjenu na Kongresu Mladih ili Predsjedništvu Mladih.

## Član 36.

### **Izvršni odbor Mladih**

Izvršni odbor Mladih (u daljem tekstu: IO Mladih) je izvršni organ Mladih.

Predsjednika IO Mladih bira Kongres Mladih na prijedlog Predsjednika Mladih.

Potpredsjednike, sekretare i članove/šefove sekcija bira Glavni odbor Mladih na prijedlog predsjednika IO Mladih.

Mandat IO Mladih traje 4 godine.

IO Mladih čine:

1. predsjednik IO Mladih;
2. do 4 potpredsjednika IO Mladih;
3. sekretar IO Mladih;
4. šefovi sekcija pri IO Mladih;
5. kooptirani članovi IO Mladih.

Ukoliko predstavnik jedne sekcije ili druge organizacione jedinice, koja je u sastavu IO Mladih, ne može prisustvovati sastanku, šalje svog zamjenika koji učestvuje punopravno na sjednici IO Mladih.

Predsjednik IO Mladih je član Izvršnog odbora Stranke.

## Član 37.

### Nadležnosti IO Mladih:

1. odgovara za sprovođenje odluka Predsjedništvu Mladih, Glavnom odboru Mladih i Kongresu Mladih;
2. osniva sekcije pri IO Mladih;
3. vrši nadzor nad radom sekcija;
4. predlaže Izvršnom odboru Stranke po jednog člana u resorima i sektorima Stranke;
5. sekcije pri Izvršnom odboru Mladih daju stručna i operativna mišljenja, smjernice u radu Mladih SPP kada su u pitanju određene oblasti djelovanja, kao i prikupljanje stručnog kadra;
6. potvrđuje, preinačuje ili donosi odluke u ime sekcije;
7. izvršava odluke Predsjedništva Mladih iz oblasti kadrovske politike;
8. potvrđuje odluke predsjednika IO Mladih između dvije sjednice;
9. vodi brigu o cjelokupnoj kadrovskoj politici Mladih SPP.

Predsjednik IO Mladih u hitnim situacijama donosi odluke iz nadležnosti IO Mladih, o kojima se na prvoj narednoj sjednici izjašnjava IO Mladih.

Sjednice IO Mladih se održavaju najmanje jedanput u 3 mjeseca, a saziva ih predsjednik IO Mladih ili potpredsjednik IO Mladih. Ukoliko predsjednik IO Mladih ne bude sazvaio sjednicu u roku, obaveza sazivanja je na 1/3 članova IO Mladih. Ako ni tada sjednica ne bude sazvana, predsjednik Nadzornog odbora obavezno pokreće na Glavnom odboru Mladih inicijativu reizbora predsjednika, potpredsjednika i članova IO Mladih.

Sjednice sekcije pri IO Mladih se održavaju jedanput u 3 mjeseca, a saziva ih šef sekcije IO Mladih. Ako šef sekcije ne sazove sjednicu u roku, saziva je predsjednik IO Mladih, 1/3 članova IO Mladih, ili 1/3 članova odbora Mladih. Ako ni tada ne bude sazvana sjednica, predsjednik Nadzornog odbora obavezno pokreće na Glavnom odboru inicijativu reizbora šefa i članova sekcija pri IO Mladih.

Predsjednik IO Mladih može, po potrebi, prisustvovati sjednicama sekcije IO Mladih.

Predsjednik Mladih ili potpredsjednik Mladih SPP, kojeg on ovlasti, ima obavezu prisustvovati sjednici IO Mladih najmanje jedanput u jednoj godini.

Predsjednika IO Mladih bira Kongres Mladih.

Sekretar IO Mladih vodi zapisnik na svim sjednicama sekcija.

### Sekcije Mladih su:

1. *sekcija za pravo;*
2. *sekcija za ekonomiju i finansije;*
3. *sekcija za logistiku i bezbjednost;*
4. *sekcija za obrazovanje;*
5. *sekcija za zdravstvo;*
6. *sekcija za socijalnu politiku i brigu o porodici;*
7. *sekcija za lica sa posebnim potrebama;*
8. *sekcija za kulturu;*

9. *sekcija za hor;*
10. *sekcija za književnost;*
11. *sekcija za folklor;*
12. *sekcija za medije i marketing;*
13. *sekcija za informacione tehnologije;*
14. *sekcija za urbanizam i građevinu;*
15. *sekcije za sportske discipline;*
16. *sekcija za zaštitu životne sredine;*
17. *sekcija za umjetnička društva;*
18. *sekcija za vanjske poslove.*

Mogu se osnivati sekcije sa drugačijim nadležnostima.  
IO Mladih definira pravila rada svake sekcije.

Član 38.

### **Odnosi sa Dijaspورا SPP i Balkan SPP**

Mladi SPP mogu imati svoje područne jedinice i na području Balkan SPP i Dijaspورا SPP, uz odobrenje nadležnih organa tih organizacija.

## **IV dio**

### **LOKALNA ORGANIZACIJA**

Član 39.

#### **Lokalni organi**

Lokalni organi Mladih SPP promoviraju Program Stranke na području na kome djeluju.  
Lokalni organi Mladih SPP djeluju na području jedinica lokalnih samouprava.

Mladi svoju lokalnu politiku sprovode kroz:

1. gradske/opštinske odbore Mladih SPP;
2. gradske/opštinske pododbore Mladih SPP i
3. mjesne odbore Mladih SPP.

Član 40.

#### **Gradski/Opštinski odbor Mladih**

Gradski/opštinski odbor (u daljem tekstu: GO/OO Mladih) se formira radi sprovođenja politike Mladih SPP na teritoriji grada/opštine.

Organi GO/OO odbora su:

1. skupština GO/OO Mladih;
2. gradski/opštinski odbor Mladih.

## Član 41.

### **Skupština GO/OO odbora Mladih**

Skupština GO/OO Mladih je najviši organ lokalne organizacije Mladih SPP.

Skupštinu GO/OO Mladih čine:

1. svi članovi GO/OO Mladih;
2. svi članovi GO/OO pododbora Mladih;
3. svi članovi mjesnih odbora Mladih SPP i
4. svi članovi sekcija IO Mladih na lokalnu.

Skupština GO/OO Mladih može biti izborna ili radna.

Radna skupština GO/OO Mladih se održava minimum jednom u dvije godine.

Redovna izborna skupština GO/OO Mladih se održava po pravilu svake 4 godine.

Vanredna skupština GO/OO Mladih se održava prema potrebi u skladu sa pravnim aktima Stranke.

Skupštinu saziva predsjednik GO/OO Mladih. Ako predsjednik GO/OO Mladih ne zakaže zasjedanje Skupštine u roku, mora je zakazati jedan od potpredsjednika GO/OO Mladih, trećina članova gradskog odbora GO/OO Mladih ili 1/3 Skupštine. Ako se ni tada ne zakaže sjednica, predsjednik Mladih ili predsjednik Nadzornog odbora u skladu sa aktima Stranke zakazuju Glavni odbor Mladih sa tačkom dnevnog reda: Raspisivanje izbora u gradskom/opštinskom odboru Mladih SPP.

Skupština GO/OO Mladih:

1. usvaja izvještaj predsjednika GO/OO Mladih o svom radu i radu GO/OO Mladih;
2. bira i razrješava predsjednika GO/OO Mladih i članova GO/OO Mladih u skladu sa aktima Stranke;
3. potvrđuje, preinačuje ili donosi odluke u ime nižih organa GO/OO Mladih, ukoliko je potrebno;
4. donosi odluke o važnim pitanjima za GO/OO.

Odluke Skupštine GO/OO Mladih može poništiti ili preinačiti Glavni odbor Mladih, većinom, Kongres Mladih ili Predsjedništvo Mladih.

## Član 42.

### **Gradski/Opštinski odbor**

GO/OO Mladih je izvršni organ na gradskom nivou.

GO/OO odbor čine:

1. predsjednik GO/OO Mladih;
2. 3 potpredsjednika GO/OO Mladih;
3. sekretar GO/OO Mladih;
4. šefovi pododbora GO/OO Mladih;
5. kooptirani članovi GO/OO Mladih;
6. 5 članova stalnog sastava koje bira Skupština GO/OO Mladih;

## 7. šefovi članova sekcija sa lokala IO Mladih.

Ukoliko predstavnik jedne organizacione jedinice koja je u sastavu GO/OO Mladih ne može prisustvovati sastanku, šalje svog zamjenika koji učestvuje punopravno na sjednici GO/OO Mladih.

Predsjednik GO/OO Mladih u hitnim situacijama donosi odluke iz nadležnosti GO/OO Mladih, o kojima se na prvoj narednoj sjednici izjašnjava GO/OO Mladih.

Članovi sa lokala odgovaraju predsjedniku GO/OO Mladih samo za zadatke vezane za GO/OO Mladih, dok za zadatke vezane za sekcije i IO Mladih odgovaraju svojim nadležnim sekcijama i IO Mladih.

Nadležnosti GO/OO Mladih su:

1. organizira rad Mladih SPP na teritoriji GO/OO;
2. osniva mjesne odbore u saglasnosti sa Predsjedništvom Mladih;
3. vodi brigu o radu mjesnih odbora;
4. u koordinaciji sa Sekretarijatom Mladih vodi brigu o kancelariji GO/OO i podstiče učlanjivanje;
5. izvršava odluke Predsjedništva Mladih i Glavnog odbora Mladih na svojoj teritoriji;
6. ukoliko se krše odluke GO/OO Mladih na nižim organima predlaže Statutarnom sudu prijedlog sankcije;
7. predlaže Predsjedništvu Mladih godišnji program djelovanja na teritoriji ogranka.

Sjednica GO/OO Mladih se održava najmanje jedanput u 3 mjeseca.

GO/OO Mladih saziva predsjednik GO/OO Mladih. Ako predsjednik GO/OO Mladih ne zakaže sjednicu u roku, mora je zakazati zamjenik predsjednika GO/OO Mladih, trećina članova GO/OO Mladih ili 1/3 skupštine GO/OO Mladih. Ako se ni tada ne zakaže sjednica, Predsjednik Mladih ili predsjednik Nadzornog odbora zakazuju Glavni odbor Mladih sa tačkom dnevnog reda: Raspisivanje izbora u gradskom/opštinskom odboru Mladih SPP u skladu sa aktima Stranke.

Predsjednik Mladih ima obavezu prisustvovati sastanku GO/OO Mladih najmanje jedanput u 1 godini. Ukoliko se ne izvrši odluka donesena na sjednici gradskog odbora, gradski odbor prosljeđuje Statutarnom sudu prijedlog sankcije.

Za predsjednika GO/OO Mladih se može kandidovati svaki član GO/OO Mladih odbora koji dobije podršku dva pododбора, a bira Skupština GO/OO u skladu sa Pravilnikom o izborima u Stranci.

Potpredsjednike GO/OO Mladih i sekretara GO/OO Mladih predlaže predsjednik, a bira Skupština GO/OO Mladih.

## Član 43.

### **Gradski/opštinski pododbor Mladih**

Predsjedništvo Mladih donosi odluku o grupisanju mjesnih odbora u gradske/opštinske pododборе Mladih.



Nadležnosti gradskog/opštinskog pododbora Mladih:

1. koordinira rad mjesnih odbora Mladih SPP na svom području;
2. brine o radu mjesnih odbora Mladih SPP;
3. osniva klubove uz suglasnost GO/OO Mladih odbora i Predsjedništva Stranke;
4. donosi program djelovanja za svoju teritoriju, koju usvaja GO/OO Mladih.

Sastav gradskog/opštinskog pododbora Mladih:

1. šef gradskog/opštinskog pododbora Mladih;
2. zamjenik šefa gradskog/opštinskog pododbora Mladih;
3. predsjednici MO Mladih i
4. potpredsjednici MO Mladih.

Šefa i zamjenika šefa gradskog/opštinskog pododbora Mladih predlaže predsjednik GO/OO Mladih, a bira i raspušta GO/OO Mladih.

Stupanje na dužnost šefa i zamjenika šefa je od dana uručivanja rješenja o imenovanju.

#### Član 44.

### **Mjesni odbor Mladih**

Mjesni odbor (u daljem tekstu: MO Mladih) se formira radi sprovođenja politike Mladih SPP na teritoriji mjesnog odbora.

Mjesni odbori se osnivaju prema glasačkim mjestima.

MO Mladih nastoji učlaniti u Mlade SPP sve mlade sa svoje teritorije i nastoji aktivirati sve članove Mladih SPP sa svoje teritorije u aktivnosti i kampanju Stranke.

Mjesni odbor se sastoji od:

1. predsjednika MO Mladih;
2. potpredsjednika MO Mladih i
3. kapitena ulica/sela sa područja MO.

Kapiten ulice/sela se imenuje na izbornom sastanku svih članova Mladih SPP iz ulica/sela.

Izborni sastanak organizira GO/OO Mladih ili povjereništvo. Obavezno je prisustvo predstavnika kojeg ovlasti Predsjedništvo Mladih.

Kada se imenuju svi kapiteni ulica/sela, pristupa se izboru predsjednika i potpredsjednika MO Mladih. Obavezno je prisustvo predstavnika kojeg ovlasti Predsjedništvo Mladih.

Stupanje na dužnost kapitena, potpredsjednika MO ili predsjednika MO je od dana uručivanja rješenja o imenovanju.

## Član 45.

### **Izborni štab**

Od trenutka raspisivanja izbora, Predsjedništvo Stranke može imenovati izborni štab Mladih koji preuzima nadležnost Predsjedništva Mladih i koje odgovara Centralnom izbornom štabu Stranke.

### **V dio**

#### **FINANSIJE**

## Član 46.

Izvori finansija Mladih SPP su:

- Donacije Mladima SPP i
- Dotacije Stranke.

Predsjedništvo Mladih usvaja godišnji budžet Mladih SPP.

Nadzorni odbor vrši provjeru i podnosi izvještaj o poslovanju Mladih SPP jednom godišnje.

Ukoliko dođe do spora između organa Mladih SPP oko finansiranja, Statutarni sud donosi konačnu odluku.

### **VI dio**

#### **PRIJELAZNE I ZAVRŠNE ODREDBE**

## Član 47.

### **Inicijativni odbori, povjereništva i koordinatori**

Ukoliko se nadležni organi Mladih SPP odluče formirati neki organ na osnovu Pravilnika, obaveza im je osnovati inicijativni odbor za osnivanje tog organa u čijem sastavu će biti najmanje 3 člana.

Ukoliko nadležni organi u skladu sa Pravilnikom raspuste ili smijene neki organ, imenuju umjesto dosadašnjeg organa povjereništvo Mladih koje ima obavezu da vodi brigu o poslovima tog organa do reizbora.

Ukoliko se ustanovi da neki organ nije sposoban samostalno funkcionirati u skladu sa Pravilnikom i drugim aktima Stranke, Predsjedništvo Mladih ili GO/OO Mladih iz svog domena imenuje koordinatora ili koordinaciono tijelo koji će imati obavezu svojim djelovanjem, kroz pomaganje i savjetovanje, obezbjediti organu Mladih mogućnost ispravnog djelovanja, dok isti organ ne bude sposoban da samostalno funkcionira. Koordinatora ili koordinaciono tijelo Mladi SPP mogu imati u slučaju prijelazne faze od raspuštanja organa do novog imenovanja u skladu sa Pravilnikom.

## Član 48.

### **Koordinacija među organima Stranke**

Izvršni odbor Mladih, Sekretarijat Mladih i GO/OO/povjereništva Mladih su obavezni da međusobno pomažu jedni druge i da pružaju potrebne informacije i logistiku za formiranje, rad i funkcioniranje svih organa Mladih SPP u skladu sa nadležnostima koje propisuje ovaj Pravilnik.

## Član 49.

### **Donošenje Pravilnika i Programa Mladih**

Postupak za donošenje i izmjenu Pravilnika i Programa Mladih SPP mogu pokrenuti Predsjedništvo Mladih i Glavni odbor Mladih.

Postupak za donošenje godišnjeg programa Mladih SPP mogu pokrenuti Predsjedništvo Mladih ili Glavni odbor Mladih.

Na nacrt Pravilnika ili nacrt izmjene Pravilnika Statutarni sud daje mišljenje Glavnom odboru.

Na nacrt godišnjeg programa ili nacrt izmjene godišnjeg programa Politički savjet daje mišljenje Predsjedništvu Stranke.

Novi nacrt Pravilnika i Program Mladih SPP, izmjena i dopuna nacrta Pravilnika i Programa Mladih SPP su punovažne ako za njih glasa  $\frac{1}{2}$  ukupnog broja članova Kongres Mladih.

## Član 50.

### **Stupanje na snagu**

Izmjene i dopune Pravilnika stupaju na snagu danom donošenja na Glavnom odboru Stranke.

## Član 51.

### **Važenje akata**

Sva ostala opća akta Stranke važe samo ako su u skladu sa ovim Pravilnikom, a ocjenu validnosti daje Statutarni sud.

Novi Pazar

Datum: 26. 12. 2022. godine

PREDSJEDAVAJUĆI GLAVNIM ODBOROM STRANKE

Usame Zukorlić